



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Name of School : PO LEUNG KUK SIU HON SUM PRIMARY SCHOOL

學校名稱 : 保良局蕭漢森小學

Name of Play 劇名 : 不可思議事件簿

Script writer 劇作者 : 張寶雯老師

Synopsis 故事大綱 :

傳說只要把願望放入學校廁所的馬桶內，無論什麼願望也可以實現。假若你可以許願，你會許什麼願望呢？這個馬桶又會發生什麼事情？《不可思議事件簿》自有分曉！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第一場

(眾人圍埋一齊坐下)

阿賢 上星期我去廁所，聽到格廁有啲怪聲，我咪行埋去睇下咩事囉，點知個格廁所度門係鎖住左，我諗住睇下邊個係入面啦，我咪由門底裝入去，入面竟然.....無腳架~~

姐妹 嘩！好恐怖呀！

大良 跟住你點呀？

阿賢 梗係走啦！

貪玩 咪住，根據你以往既記錄，會唔會係你聽錯呀？

機王 係喎，老師通常一叫你答問題，你都話吓？咩話？

韓迷 係啦，你成日都話聽唔清楚老師既問題，會唔會你聽錯呀？

阿賢 平時我係聽唔清楚既係老師問既問題，但係我唔係聾架。而且，個日成個廁所得我一個咋麻。

妹 嘩！好得人驚呀！

珊 都唔係好驚姐。我聽過另一件事都係關於學校廁所架！

姐妹 呀~~~好驚呀！

珊 嘩！你地驚成咁，咁我唔講啦！

姐妹 吓！講啦，我地想聽喎！

珊 咁你又話好驚~~~

姐 我地係好驚呀！

妹 但係，我地又想聽喎。

珊 乜你兩姊妹咁麻煩架！

全體 講啦！（阿賢走，關燈）

全體 嘩！

珊 （電筒）傳說只要將願望寫係紙上面，然後誠心對住個個馬桶許願，再將願望紙掉入個個馬桶，無論你許乜野願，個願望就會實現架啦！

姐妹 嘩！好恐怖呀！

眾人 有幾恐怖呀？

姐 用馬桶許願喎

妹 咁污糟，梗係恐怖啦！

貪玩 真唔真架？

珊 都話係傳說咯，點知喎！你想知道呀？你試下咪知囉。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

阿賢 你話個個馬桶，即係邊個呀？
珊 咪五樓女廁最尾個格囉。
阿賢 個格？咪頭先我話有怪聲個格囉。
姐 吓？咁恐怖？
妹 係超恐怖呀！
姐妹 好驚訝！
老師 喂！蕭小劇團同學，咪掛住傾偈呀，排戲啦！
眾人 知道！
撞鬼你地呀？排戲啦！

第二場

(貪玩及機王韓迷鬼鬼祟祟走入廁所，見無人走入廁格)

貪玩 (VO) 我地現在誠心許願，我想係上堂時候鐘意幾時玩就幾時玩。
機王 我想係上堂時候任睇 Ipad，仲可以玩第五人格、皇室戰爭、mine craft、食雞、傳說對決，嘩，諗起都興奮呀！ (SHU)
韓迷 我想係上堂個陣，玩角色扮演，例如扮韓星啦，Signal, TT, What is love!
機王 咦!
韓迷 咩姐?
貪玩 (VO) 沖廁 (沖廁聲)
貪玩 走啦!

(大良小良鬼鬼祟祟入廁所)

小良 哥哥，你個同學講既係咪真架？
大良 唔知架，咁你想唔想願望成真呀？
小良 梗係想啦！
大良 咁就不要問，只要試。
小良 哦，不要問，只要試。
大良 一陣我做乜，你跟住我做。
小良 哦

(大小良入廁格)

大良 (裝馬桶)我地現在誠心許願，我地想要乜，媽媽都俾乜我地。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

小良 我地想要乜，媽媽都俾乜。
大良 沖廁
小良 沖廁
大良 我叫你沖廁呀！
小良 我叫你沖廁呀！
大良 唔係呀，你宜家禁沖廁掣呀！
小良 哦（沖廁聲）

第三場

（課室）（左燈區）

機王 死啦，一陣默書，你地溫曬未？
貪玩 未呀！
機王 咁你呢？
韓迷 未呀！
機王 咁你呢？
珊 仲講？快啲溫啦！
小勤 死啦，如果今次唔合格，我補習要加時呀！
貪玩 你咪嚇我啦！
老師 同學，你地係度做緊乜野呀？
全體 溫默書囉！
老師 咁溫好未呀？
全體 未呀！
老師 咁你地想點呀？
貪玩 老師，可唔可以唔默書呀？
老師 唔默書？
老師 唔默書，咁你地想點呀？
貪玩 玩
機王、韓迷 老師，我都想玩呀！
老師 你地兩個企埋起身。
老師 仲有邊啲同學想玩架？（全體舉起，除博士小勤）
老師 （指博士小勤）你地兩個呢？